

湘綺陸說詩

海峽殖民地

湘綺樓說詩卷七

湘潭王闓運壬甫著

酉陽王簡編輯

輿致功書云魏夏內召陝可不去矣雲孫致樊雲門書極力恭維令人有戴高帽喫米湯之意又寫示五詩則閻王升玉皇亦不爲過分也客去欲和樊詩韻以羈字開首遂峙嶠不成句俄而得焉立成打油腔五首其一云長安廿載騁金羈親爲君王秣盜驪久陟臺司參八坐喜逢豐稔慶三時文章聲價儒爲吏張李淵源友共師霜月夜吟誰與和祇應衝雪訪微之其二云中興聖哲仰文皇光輔論功配德蒼籌策定知胸有竹鑒衡寧道目迷糠騎驢歸去尋茅屋雛鳳啾鳴入玉堂武達文通誰第一南強北勝總非常其三云館閣從來雅頌音聲希味淡妙難尋忽從鯨

海開文派如聽龍門奏古琴謫向梓潼山徑曲吟成葭沚
水雲深惺惺自昔長相惜願煮青梅論夙心其四云蓮峯
仙掌平生夢爲待春來陌草薰漫擬到秦無孔轍只疑回
駕勒鍾文深山閉戶千帷雪軍將傳書五朵雲關尹定知
賢主意華山一席恐人分其五云少陵筆陣掃千兵肯拔
王郎跋浪鯨不信把詩能過日自嫌垂老是虛生康成行
酒曹公恨廣武登臺豎子名獨坐看山且西笑遙知畫戟
晚香清

邀復心游君山移泊洞庭廟城西北岸也將上岸復心兄
弟攜兩孫來託借紅船舟行甚久前游甚快此乃極遲幾
三時乃至洞庭廟湘妃廟皆破頽矣循左手入山尋崇勝
寺製茶公所也旁有救生公所後有湘靈宮左有九江樓

昔年至此地今則荆榛塞徑二吳久亡無人過問岳士之
荒陋亦可歎也前賦君山但詠水中山今乃細翫山景別
爲一詩云神山引余舟重湖漾天白良辰朗清秋攜朋造
靈宅橫簪帶平波沙徑散芳若池林映崇深一丘自成壑
始入如可窮轉幽更迷適三陟尋西樓空明曠超惲雲構
偶興衰仙游豈朝夕春茗懷新芽月桂香晚石選勝期再
來無爲謝勞劇至螺山詩云臨湘西塔向螺山百里江程
頃刻間名士久無王漆室樵官新改陸頭關神鴉亂後誰
拋肉戲鴨洲前尙有闌且喜江村近繁盛酒家眉月似眉
彎神鴉久不至矣今來集檣上復有承平之喜食肉三條
而去新溝買菜漢川地緣隄多柳昔人言漢陽柳色有已也
作樊雲門壽敍成比吳爲自在比鹿文則不可同年語矣

樊頗知六朝文故也泊仙桃鎮自新隄過沔陽東今到沔
陽西矣正十日行百里也亦勝不行乃知動必有功也過
仙桃鎮感懷周壽山詩云烏衣朋輩數神童歸向荆南歎
轉蓬下潁田荒難學隱上司雷過只如聾晚投關隴從袁
虎空託師門敵李鴻驃騎定應慚第五更無災難作貲翁
晨發甚早夕至岳口微雨沿岸無可觀唯甌岸頗整工亦
甚費詩云北風吹浪急流渾水驛生疏積思煩暮雨孤帆
收岳口平隄秋樹隱天門舊游春夢知無迹新曲夷歌只
自喧獨詠漢陰移柳句不辭搔首向黃昏泊澤口潛江地詩云
寒日荒荒濁浪流不成清漢不成秋崩沙岸盡從淘浪古
戍無人獨繫舟估客漸稀村犬瘦稻田頻歉渚鴻愁游人
歲月何須問十日行衣換葛裘櫂沙陽作詩云盤隄有路

記沙陽曾笑當年舉子忙英傑幾人曾入穀朝廷無事可
更張已聞論古推秦莽誰復昌言辨墨楊寄語宜春傅先
輩鹿鳴難復奏笙簧沙陽盤隄大道今無行人袁州傅太
尊約余重宴鹿鳴故有此寄安陸道中作詩云浮雲迢遞
眇愁予弔古重經故楚虛三疊煙巒長點黛一簪秋髮不
勝梳隄沙激沔黃流壯郢樹迎霜綠意疏津吏莫勞頻借
問幾時刪改算緡書新設船關甚遠定制未知所由始也泊茅草洲未得日課一詩
且復首又一首詩云沔水東流激箭驚頓令趙客動歸情
抽帆早誤南風信報遠頻聞北雁聲青草藉沙漁坐穩烏
蓬傳鼓戍鐙明宜城桑落應猶早白墮如膠且試傾又云
節過霜降尙單衣共愛晴秋逗夕暉巨石橫煙不須樹崩
沙積浪遂成磯眼中郢路悲三戶指下牙琴歎七徽此去

商山羞自慰白頭輕出未全非作野菊詩云久過重陽不見花秋光猶在野人家且宜對酒陪新詠直恐題詩感歲華漢女雙珠元自解陶公三徑更無加御筵未抵霜潭盛莫怨疏籬暮雨斜東風帆行旋轉北風泊洲上上岸散步柿柳雜樹平野可住傍水沙石陷墊未能暢游耳地名巴州去縣十五里詩云東風吹雨葉舟輕散步前村看晚晴湖女共尋繇馬齒酒家空說古烏程青林赤柿遙相映素岸金沙遠更明隨處安家便堪隱故應龐孟肯躬耕昨夜大風微雨今以得發爲快又得小順風尤爲幸也作詩云巨浪掀舟睡不酣起看帆影映晴嵐秋風梳柳條條綠漢水澄波漸漸藍禹迹更尋邛溇北游心先到鹿門南老來無事能消日小別銅官月又三

至樊城初以爲先至襄陽樊城乃在城南也看德政碑至漢皋門局未入接官亭直出南門可三里許中有昭明樓云梁太子讀書處南門壕水深廣沙路雜石循漢可十里取山徑至習家池云水自地涌成池入漢徑至鹿門山成一泉水色不亂康熙乾隆道光初凡三脩始有花木亭臺毛會建許養性作記中則北平王奉曾立祠後則吳凱建四賢祠祀三習一山云應祀典習郁習珍余未之聞也又有王庭禎則同治間人王文韶梁上題名蓋又重修正欲往鹿門郭觀察已至云鹿門須自劉家集往習池對岸則觀音閣至城卅里遂不復往約游峴山檀溪而還土人無知峴山者乃引余至張柬之祠看梅花石復引余至亂山中云是峴首乃是一破寺題峴石寺云上有石洞刻字余

不能往以蘭山不能步也告以此非峴山乃云在路傍名
羊杜祠山川能說與多識草名正同土名隨時變也作詩
云沙明重見仲山城曾是朝天第一程西路車輪已生角
大隄歌管不聞聲關曹苦戰無荒壘羊杜交期歎九京物
役徒勞人事改茫茫落日壯心驚襄陽古來重鎮今無居
人蓋流賊所毀今未復也作詩弔之詩不能妥以虛實難
恰好也習池作則差可詩云魚竹侯家舊有池鹿門西岸
峴南垂靈泉入漢通仙澗雜樹成陰覆古碑地主暫留同
試茗山公會醉莫空卮粗沙碎石歸來路猶惜當年馬上
兒夜泊穀城詩云襄陽形勝鎖南荆九代繁華有變更舊
鎮樓高秋易冷大隄人去月空明臥龍何處尋茅屋放虎
無端誤穀城今古英雄多少事臥聞流漢夜濤聲過戴家

河有市店站口也偶憶庚寅此月小雪衣夾彈指十六年
事過境遷逝者爲陳人余猶多所貪求誠爲癡矣夜宿皮
家彎

約午詒兄弟游曲江坐車出南門至小雁塔復至雁塔又
與午詒齊七純孫步看高翰林旗竿因至行宮舊督府也
還過雲門留晚飯更招午詒來談三更還填二郎神一闕
云漢宮唐殿夕照外并無禾黍更五載秋風依稀誰記前
度雕闌綺署反挂珊瑚旁人見也被笑恩恩來去看彩鳳
帷空盤螭金暗啞咿鴉語 無數翠綏鳴玉朝班鴛鴦想
待漏星稀退朝雲散看盡終南黛嫵古往今來前因後果
留得許多詞句但一角危樓無人共倚朱顏如故雲門送
詩未遑屬和將行雲門更留一日約來談復不至又送詩

并要午詒戟傳同至藩署晚飯作結交詩一首貽陝藩樊
承宣增祥云弱齡慕英彥結交共屯艱撥亂未反正羣公
智已殫徒遺凋瘵民征繕豈能寬聞有達政者高材在卑
官聽訟實知本政平民氣安朱紱既就加百吏皆改觀關
隴今貧僻不與治亂權近欲崇節制苟務兵食完無信誰
與立奇謀空萬端薦賢非吾職但念得見難歲暮情有餘
感慨回征鞍

爲程太守書扇雲門來送叔公父子皆親送至華清樊程
鍾易送至八仙菴欽賜道士宗陽出迎推窗看興廢池東
院看黃楊樹右樹大可蔭畝高可七丈枝幹盤曲奇觀也
左樹小減亦天下所希脯樊仍前送至霸橋易咸寧設餞
以忌日更具菜食程亦在坐離情頓起霸橋長不至百丈

自古爲名何也見坐車折軸余坐夏轎先行以爲必早及
到驪山夜矣作灞上別樊山詩一首云征鴻久南飛仲冬
猶未霜游心喜煊時脂轄舍未遑良友惜輕別三宵進離
觴再送復遠餞帳飲清灞旁居人有行色徒御盡彷徨余
生固無羈萬里驚車航見此不忍去新知樂無央生離衆
所悲寒樹遠蒼蒼揮手亮超然濡煦亦難忘暮色忽悽寂
眷言愁路長

過華州看少華雲陰不了謁嶽祠登萬壽閣制甚宏壯道
士以未修角樓爲恨唐碑燒裂僅存四字朝食後步出催
車久待不來兩孫皆不從比至玉泉院正午矣卽登山沿
澗東西十餘旋折回張超谷看魚石巨石十丈水漂行三
里光緒十年六月事也山寺院皆爲水毀度五里關爲第

一關又數里希夷峽西爲第二關關南沙羅坪得小榻所
謂大小上方在東數里十八盤阪路盤曲又里許毛女洞
石林鳳游記云名玉菱洞中時聞琴聲又里許至青柯坪
皆谷內也坪北見一峯奇麗午詒名之玉女峯蓋小玉女
耳飯後聞午詒語聲出尋乃在院左云得一石洞洞頂石
文黑白謂之梅花洞余視之正似蒲桃又一洞亦有梅花
余未敢往也夜作詩云踐華期仲九千里果忱要無霜悅
春和有月麗冬宵清夜循修塗超闌騁聯鑣星霧合靈扃
寂靜啟松寮仙掌俯層樓穹天未能高憑關昔虎視作鎮
頌柴喬祠宮邇完修周道眷西郊金德儻重曜誰能但游
敖次日上北峯過回心石兜夫云當步上遂上千尺幢石
云卽酈注天井旁施鐵纜西折上百尺峽度車箱谷南上

磴道甚斗林雲端人崖俗稱老君犁溝又南爲胡孫愁祀
一猴遂至雲臺峯卽北峯也上南峯由上天梯至三元洞
大風入督龍祠少避欲還風稍止過蒼龍脊酈注謂之擲
嶺兩山間通一石旁山斗絕深谷若池爲登山最險處其
實可舁過非吳猛所渡石梁之比石云韓退之投書處有
石刻未暇看也東上斗下名鶴子翻身復上至五雲峯出
金瑣關石云卽箭筈通天門時有斗磴皆不甚遠舁夫必
欲余步余必欲舁亦時下步上二里許便得土路且多下
坡再上卽南峯積雪未銷入金天宮投宿五雲道士來爲
主人飯後上絕頂齊七午詒已再上矣觀對山絕壁上出
三峯道士云賽華山實華山一體也從無人上三日晴欲
上東峯午詒云玉女在中峯東峯唯有秦昭博局因踏雪

先至蓮花峯卽從下望若叢筍者及上無甚可觀旋至中
峯皆昇行尋至玉女醴泉未得望西峯背石花瓣如生秀
麗非凡下峯回望仍如簇也作詩云西峯最明麗雲日寒
嶠嶢入谷光已炫回厓秀相招踐雪登其巔纖雲拂層霄
花英如石膚玉映紫翠苗其外千竹萌解籜潤春苞似聞
洞壑幽未敢探山腰卽此愉耳目又無登陟勞古來多賦
才何以狀亭茗至今雲外人但見三峯高時初過午可以
還館因促下數里卽金鎖關步下單人橋入龍口昇過蒼
龍脊步天梯不入雲臺宮步下犁溝三百卅五級長揖猴
王報其息風之助遂下百尺峽通天門也千尺幢天井也
初以爲尙有險處見刻記知已過幢遂無勞步因令昇夫
直還玉泉院各賞錢百文其行如飛至院不暇與道士語

與齊午并騎而還至館未昏黃夜作華山詩一首云雍涼
表天闕維石發琦英嵯峨涌厚地巉削起重城三陟五千
仞始見南崖平法駕不能躋跬步在精誠蒼龍伏其胸自
作天梯橫糾縵五色光虛聞萬松聲仙嶽收視聽天池漾
金晶卓爾既有立昭茲瞻仰情

要叔玫砥卿夏公子同出德勝門訪北蘭寺至則改爲北
壇未知是否臨江裴回便訪婁妃墓讀鄧碑入看吳大安
寺香鑪至澹臺門看唐將軍石像尋與希唐別處門已鎖
矣小車甚多過新學地基日烈照灼遶東湖還過傅苕生
門小坐還寓夜填一枝春詞一闕云舊迹重荒賸殘壘指
點承平游處北蘭寺廢畫棟片雲成霧網船唱晚料無藏
園詞句空自訪賢守碑題更尋傍城斜路江州謝家治